



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCCLI Decret der Churfürsten über die Wahl Königs Heinrichs VII., vom
Markgrafen Woldemar für sich und als Stellvertreter des Markgrafen Otto
von Brandenburg, so wie der Herzöge Johann und Erich von ...

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

dem in Smalkaldem, et expresse renunciante juri restitutionis in integrum, quod eidem, quia minor annis, competere possit, propter cultum divinum ampliandum, ab eadem parrochia in Smalkaldem exemimus et eximimus in hiis scriptis, salvo jure dyocesani. In evidenciam hujus excempcionis presens scriptum dari iussimus, nostro sigillo sigillatum. Datum anno domini M^o. CCC^o. VIII^o. nona Kal. Novembr.

Nach Schultes, Dipl. Gesch. v. Henneberg I, 176.

CCCLI. Decret der Churfürsten über die Wahl Königs Heinrichs VII., vom Markgrafen Waldemar für sich und als Stellvertreter des Markgrafen Otto von Brandenburg, so wie der Herzöge Johann und Erich von Sachsen, mit ausgestellt, vom 27. November 1308.

Sanctissimo in Christo Patri ac Domino suo, Domino Clementi quinto sacrosancte Romane Ecclesie summo Pontifici, Baldewinus Dei gratia Trevirorum Archiepiscopus sacri imperii per regnum Arelatense Archi-Cancellarius, nec non Rodolphus eadem gratia Comes Palatinus Rheni, Bavarie, et Rodolphus Saxonie Duces, ac Waldemarus Marchio Brandenburgensis, ad quos jus una cum venerabilibus patribus Coloniensi et Maguntinenli Archiepiscopis [eligendi] Romanorum Regem in Imperatorem promovendum dignoscitur pertinere, devotissima pedum oscula beatorum. Vacante nuperrime, videlicet anno Domini millesimo trecentesimo octavo, ipsa die beatorum Philippi et Jacobi Apostolorum, per obitum clare memorie Domini Alberti, quondam Romanorum Regis, Romano Imperio; et nobis una cum dictis Dominis Henrico Coloniensi et Petro Maguntinenli Archiepiscopis, nostris Coelectoribus, pro futuri Regis substitutione postmodum convenientibus in diem electionis, videlicet quartam feriam ante festum beati Andree Apostoli, que est vicefima septima dies mensis Novembris; concordavimus et communiter ipsam diem prefiximus ad electionem hujusmodi celebrandam. Qua die in oppido Frankenvord, loco quidem ad hoc solito et consveto, nobis omnibus, qui debuerunt, voluerunt et potuerunt electioni celebrande commode interesse, iterum convenientibus et ibidem presentibus, deliberatione provida prehabita ad procedendum in electionis negotio prelibato; ego Balduinus Treverensis Archiepiscopus predictus in scriptis legi monitionem et protestationem quandam vice mea et omnium jus in ipsa electione habentium, monendo omnes excommunicatos, suspensos ac etiam interdictos, nec non quoscunque alios, siqui forent forsitan inter eos, qui de jure vel consvetudine interesse in ipsius electionis negotio non deberent, quod a tractatibus electionis celebrande et ab eadem electione recederent, me et alios libere eligere permittentes, protestans, quod non esset mea vel aliorum intentio tales admittere tanquam jus in electione habentes aut procedere vel eligere cum eisdem, immo volui, quod Voces talium, si qui reperirentur postmodum interfuisse, nulli prestant suffragium nec alicui asserant nocumentum, et prorsus pro non receptis sive pro non habitis habeantur. Quam protestationem nos omnes et singuli alii nostri Coelectores ratam et gratam habentes et acceptantes confirmimus in eandem. Et demum post Tractatus prehabitos, consideratis sollicitè et diligenter

circumstantiis et statu Personarum diversarum, per quas seu per quem regno vacanti posset utilius provideri; in illustrem Virum Henricum Comitem Luxemburgensem, virum utique catholicum, orthodoxe fidei fervidum zelatorem, Ecclesie Dei et ministrorum ejusdem ac pacis sancte ab ineunte etate sua, experientia, que est rerum efficax magistra, attestante, devotum et humilem amatorem, strenuum, de alto et generoso sanguine procreatum, in omnium honestate prospicuum et preclarum, affabilem, benignum et mansuetum, ac in aliis agilibus pro regimine reipublice quam plurimum circumspectum, nostrum intuitum divina disponente clementia convertentes; ego Baldewinus Treverensis Archiepiscopus pro me et nomine meo, presatus Henricus Colonienfis Archiepiscopus Maguntinensis pro se et nomine suo; ego vero Rodolphus Dux Bavarie pro me et nomine meo, ego quidem Rodolphus Dux Saxonie pro me et nomine meo similiter, et ego Woldemarus Marchio Brandenburgensis prenarratus pro me et magnifico Viro Ottone Marchione Brandenburgensi patruo meo, cujus vices in hac parte gero, nec non illustrium Virorum Johannis et Erii fratrum Ducum Saxonie, qui etiam vices suas in hoc casu mihi commiserunt, si de jure vel de consuetudine repertum fuerit, eos fore in ipsa electione admittendos, vice et nomine; votis nostris et aliorum Coelectorum nostrorum predictorum diligenter inquisitis; nos et dicti alii Coelectores nostri omnes et singuli jus in electione dicti Regis habentes consensimus concorditer in eundem Consitem, et ipsum nominavimus quilibet nostrum pro se, nullo penitus, ut premititur, discrepante, in Romanorum Regem eligendum et in futurum Imperatorem promovendum et in Advocatum sacrosancte Romane et universalis Ecclesie ac defensorem viduarum et orphanorum. Quibus sic peractis, ego Rodolphus Comes Palatinus Rheni predictus, de mandato et voluntate speciali Coelectorum meorum omnium predictorum, eundem Henricum Comitem Luxemburgensem elegi solemniter in hunc modum; In nomine Patris et Filii et Spiritus Sancti Amen. Cum vacante regno seu Imperio Romanorum per mortem bone memorie Domini Alberti quondam Romanorum Regis; vocatis qui fuerant evocandi et qui jus in electione futuri Romanorum Regis habere dignoscuntur, et presentibus, die ad eligendum prefixa, omnibus, qui debuerunt, voluerunt et potuerunt commode interesse; placuerit omnibus ad electionem procedere futuri Regis, inquisitis votis omnium et singulorum jus in electione ipsius Regis habentium; omnes et singulos Electores predictos appareat ex premissis direxisse concorditer vota sua in illustrem Virum Henricum, Comitem Luxemburgensem, in eum consentiendo et ipsum nominando in Romanorum Regem eligendum, per cujus quidem Comitis experte strenuitatis merita ac fidei puritatem et constantiam speratur sacrosancta Romana et universalis Ecclesia potenter ac utiliter posse defendari ac in spiritualibus et temporalibus votiva suscipere incrementa, ac etiam respublica provide dirigi et pariter superno sibi suffragante auxilio gubernari; ego Rodolphus, Comes Palatinus Rheni, vice mea et Coelectorum meorum omnium jus in ipsa electione habentium, ex potestate mihi ab eisdem tradita specialiter et concessa, eundem Henricum Comitem Luxemburgensem, invocata sancti Spiritus gratia, eligo in Romanorum Regem, in Imperatorem futurum promovendum, in Advocatum sacrosancte Romane et universalis Ecclesie ac defensorem viduarum et orphanorum. Electione autem hujusmodi

celebrata, eam omnes et singuli Electores alii predicti approbavimus, et Te Deum laudamus alta voce fecimus decantari, et dictum nostrum electum, qui presens extitit, et electioni de se facte, divine nolens resistere voluntati, interpellatus a nobis, reverenter consentit, ad Ecclesiam fratrum Predicatorum in Frankenvort deduximus, et deinde electionem ipsam clero et populo fecimus solemniter publicari. Ea propter sanctitati vestre tam devote quam humiliter voto unanimi supplicamus, ut ipsum Henricum sic devote et concorditer electum in Romanorum Regem, ut est dictum, paternis ulnis amplectentes, eidem munus Consecrationis conferendo, sibi de sacrosanctis manibus vestris sacri Imperii diadema dignemini loco et tempore favorabiliter impertiri: ut sciant et intelligant universi, quod posuerit in lucem gentium vos Dominus, ut per vestre sanctitatis arbitrium orbi terre post nubilum exoptata serenitas illucescat. Ceterum ut beatitudo vestra cognoscat evidentius vota nostrum omnium in predictis omnibus et singulis concordasse ac in petitione hujusmodi existere unanimes et concordēs, presens electionis nostre decretum sanctitati vestre transmittimus cum sigillorum nostrorum appensione ex certa nostra scientia roboratum; quod etiam ad majorem horum certitudinem per manum Henrici Lobruoch clerici Notarii infrascripti in hanc publicam formam redigi fecimus et conscribi; quemadmodum hoc idem decretum etiam nos Rodolphus Comes Palatinus Rheni et Rodolphus Saxonie Duces ac Waldemarus Marchio predicti per Arnoldum de Puteo clericum Coloniensem publicum Notarium similiter de nostro et prefati Colonienfis Archiepiscopi mandato publicari fecimus et conscribi, ac per ipsum Arnoldum et Heydenricum de Effende Notarios publicos huic decreto subscribi. Acta sunt hec in domo fratrum Predicatorum in Frankenvort, presentibus venerabili Patre Domino Johanne Episcopo Argentinensi, et honorabilibus Viris Dominis Henrico Abbate Fuldensi, Ernesto Decano Colonienfi, Simone de Marvilla Thesaurario Metensi, et Petro de Esch clerico, testibus ad premissa vocatis specialiter et rogatis; anno Domini, die et loco predictis, indictione septima. Et ego Arnaldus, dictus de Puteo, clericus Colonienfis, sacrosancte Romane Ecclesie ac sacri Imperii publicus Notarius, monitioni et protestationi per supradictum Dominum Baldwinum Treverensem Archiepiscopum, inquisitioni votorum eligentium per Dominum Henricum Coloniensem Archiepiscopum factis, et electioni per Dominum Rodolphum Comitem Palatinum Rheni subsecute, et omnibus aliis et singulis premissis, prout hec in instrumento presenti narrantur, una cum testibus suprascriptis presens interfui, ea vidi et audivi; et eisdem de speciali jussu et mandato Dominorum Archiepiscopi Treverensis, Comitis Palatini Rheni, Ducis Saxonie et Marchionis Brandenburgensis Electorum predictorum per manum Henrici (Lobruoch) Notarii supradicti in hanc publicam formam redactis et conscriptis, me subscribens presens publicum Instrumentum meo signo consveto signavi et roboravi, vocatus propter hoc specialiter et rogatus, sub anno Domini, Indictione, die et loco predictis.

Nach Salz; Vit. Pap. Avinionens. T. II, 266. Leibniz Cod. dipl. T. I, 252. Königs Reichs-Archiv
Cont. II. part. gen. 196. ff. Fert; Monum. hist. Germ. IV, Leg. II, p. 490